



Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 6. i člana 46. stav 1. Zakona o građevinskom zemljištu Federacije BiH ("Službene novine FBiH", broj: 25/03 i 67/05), člana 19. tačka 2. Statuta općine Breza – Prečišćeni tekst ("Službeni glasnik općine Breza", broj 8/09) i člana 7. stav 1. Odluke o građevinskom zemljištu ("Službeni glasnik općine Breza", broj 3/04, 9/06, 5/07, 9/07 i 6/10), Općinsko vijeće Breza na sjednici održanoj dana 13.03. 2014. godine, d o n o s i

ODLUKU

o raspisivanju Konkursa za dodjelu neizgrađenog gradskog građevinskog zemljišta na trajno korištenje

Član 1.

PRISTUPA SE raspisivanju Konkursa za dodjelu neizgrađenog gradskog građevinskog zemljišta na trajno korištenje, a u svrhu privođenja zemljišta trajnoj namjeni koje je označeno kao:

- k.č.br. 663/11 k.o. Breza (s.p.), što odgovara k.č.br. 1466/30 k.o. Mahala (n.p.) u površini od 8893 m².

Navedena nepokretnost se nalazi u okviru Regulacionog plana industrijske zone „Potkraj“.

Član 2.

Početna cijena nepokretnosti iz člana 1. Odluke obuhvata:

- naknada ranijem vlasniku za preuzeto zemljište iznosi 25,00 KM/m²,
- naknadu iz osnova prirodnih pogodnosti - renta koja iznosi 24,00 KM/m² korisne površine objekta koji će se graditi.

Član 3.

Za realizaciju ove Odluke zadužuje se Komisija za sprovođenje Konkursa za dodjelu neizgrađenog gradskog građevinskog zemljišta u državnom vlasništvu na trajno korištenje.

Član 4.

Ova Odluka stupa na snagu danom objavljivanja u "Službenom glasniku općine Breza".

Broj: 01/1-02-462/14
Breza, 13.03. 2014. godine

PREDSJEDAVAJUĆI:
Općinskog vijeća
Miro Vrlićak s. r

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-455/14
Breza, 13.03.2014.godine

Na osnovu člana 115. stav 3. Statuta Općine Breza ("Službeni glasnik Općine Breza", broj: 10/07 i 5/08) prilikom razmatranja Stanje privatiziranih privrednih subjekata sa područja općine Breza, Općinsko vijeće Breza na tematskoj sjednici održanoj dana 13.03.2014. godine, donosi

ZAKLJUČAK

I

Podržavamo mirne proteste i realne socio-ekonomske zahtjeve građana, ali ne podržavamo nasilje koje se dogodilo, paljenje zgrada: predsjedništva BiH, kantonalnih vlada i zgrada općina na području Federacije BiH.

II

Zahtjevamo da se borba protiv kriminala i korupcije i sistemske korupcije ne provodi selektivno nego u skladu sa zakonom.

III

Općinsko vijeće Breza upućuje sugestiju Kantonalnom tužilaštvu u Zenici, Kantonalnom sudu u Zenici, Općinskom sudu u Visokom, za prioritarno procesuiranje svih osoba protiv kojih su podnesene krivične prijave za privredni kriminal, po pitanju privatizacije preduzeća sa područja Općine Breza.

IV

Da agencija za privatizaciju ZE-Do kantona dostavi kompletnu informaciju o provedenoj cjelovitoj, djelimičnoj privatizaciji preduzeća/privrednih subjekata sa prostora Općine Breza, kao i da se dostavi informacija da li je privatizacija privrednih subjekata urađena za sve subjekte koji su bili u planu da se privatizuju.

Informacija treba da sadrži:

- Naziv privrednog subjekta koji je privatizovan
- Vrijeme kada je otpočela i kada je završena privatizacija, ukoliko je završena privatizacija.
- Knjigovodstvenu vrijednost državnog kapitala a prema početnom bilansu stanja privrednih društava.
- Promjene nastale na kapitalu od utvrđivanju početnog bilansa do realizacije privatizacije.
- Stanje imovine i obaveza u trenutku privatizacije.
- Broj uposlenih koje je imao privredni subjekt u trenutku privatizacije.
- Cijena koju je morao kupac da plati, u kom obliku i za koje vrijeme.
- Za koliki broj radnika se kupac obavezao da će imati uposlenih ugovorom o privatizaciji, a kakvo je stanje danas u pogledu broja zaposlenih.
- Status ugovora o privatizaciji: ispunjenje ugovorenih obaveza od kupca definisanih ugovorom o prodaji/privatizaciji.

Da li je bilo poništavanje ugovora o provedenoj privatizaciji na prostoru Općine Breza i ako jeste sa kojim subjektima.

Da li je Agencija za privatizaciju uputila i jednu prijavu nedležnom tužilaštvu zbog ne ispunjenja ugovorenih obaveza iz ugovora o privatizaciji.

V

Da se hitno pristupi realizaciji Zakona o reviziji privatizacije (Formiranje Agencije za reviziju privatizacije).

Da se otpočne postupak izmjene Zakona o izvršnom postupku FBiH, u dijelu koji se odnosi na prodaju imovine, odnosno izmjene člana Zakona o izvršnom postupku FBiH („Sl. novine FBiH, broj 32/3, 52/03, 39/09 i 35/12“).

VI

Općinsko vijeće Breza upućuje zahtjev i inicijativu Savezu općina i gradova Federacije BiH, da kao zastupnik jedinica lokalne samouprave, djeluje prema organima vlasti u FBiH, da se upućeni zahtjevi i inicijative Općinskog vijeća Breza realizuju, kao i da pokrenu inicijativu prema ostalim Općinskim vijećima općina i gradova Federacije BiH za donošenje istih i sličnih zaključaka.

VII

Općinsko vijeće Breza zadužuje sve nosioce aktivnosti da o poduzetim aktivnostima informišu Općinsko vijeće Breza u roku od 30 dana, a u skladu sa članom 53 Zakona o principima lokalne samouprave u FBiH („Sl. novine FBiH: broj 49/06“).

VIII

Ovaj Zaključak stupa na snagu danom objavljivanja u „Službenom glasniku“ Općine Breza.

Dostavljeno:

1x Predsjedavajući Općinskog vijeća Breza,
1x Općinski načelnik Općine Breza
1x Općinski pravobranilac Općine Breza
1x Parlament FBiH,
1x Vlada FBiH,
1x Savez općina i gradova FBiH,
1x Skupština ZDK,
1x Vlada ZDK,
1x Agencija za privatizaciju ZDK,
1x Kantonalno tužilaštvo ZDK,
1x Općinski sud Visoko,
1x Kantonalno pravobranilaštvo ZDK
1x 1/1,
1x a/a

PREDSJEDAVAJUĆI
Općinskog vijeća
Miro Vrljićak, s. r.

Bosna i Hercegovina
 Federacija Bosne i Hercegovine
 Zeničko-dobojski kanton
OPĆINA BREZA
Općinsko vijeće

Broj: 01/1-02-455/14
 Breza, 13.03.2014.godine

Na osnovu člana 115. stav 3. Statuta Općine Breza ("Službeni glasnik Općine Breza", broj: 10/07 i 5/08) prilikom razmatranja Stanje privatiziranih privrednih subjekata sa područja općine Breza, Općinsko vijeće Breza na tematskoj sjednici održanoj dana 13.03.2014. godine, donosi

ZAKLJUČAK

I

Da se za jednu od narednih sjednica Općinskog vijeća Breza, pripremi informacija o izboru nadzornih odbora i direktora javnih ustanova i javnih preduzeća na području općine Breza, kao i pitanje poticaja firmama za zapošljavanje mladih, i sva potencijalna žarišta kriminala i korupcije na lokalnom nivou.

II

Zaključak objaviti u „Službenom glasniku“ Općine Breza.

Dostavljeno:

1x Predsjedavajući Općinskog vijeća Breza,
 1x Općinski načelnik Općine Breza
 1x Općinski pravobranilac Općine Breza
 1x Pomoćnici općinskog načelnika,
 1x 1/1,
 1x a/a.

PREDSJEDAVAJUĆI
 Općinskog vijeća
 Miro Vrljičak, s.r

SADRŽAJ

- 45. Odluka o raspisivanju Konkursa za dodjelu neizgrađenog gradskog građevinskog zemljišta na trajno korištenje.
- 46. Zaključak o stanju privatiziranih privrednih subjekata sa područja Općine Breza.
- 48. Zaključak o pripremi informacije o izboru nadzornih odbora i direktora javnih preduzeća na području Općine Breza.

